



Sensibilité politique
Boîte postale 83
L-7201 Bereldange

Fernand ETGEN
President vun der Deputéierte Chamber
19, um Krautmaart
L-1728 Lëtzebuerg

Lëtzebuerg, den 21/02/2020

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Energie & Mobilitéit weiderzeleeden.

A menger parlamentarescher Fro n°347 wollt ech Informatiounen iwwert der Fierpark vum Staat an der Regierung wëssen. Ech krut doropshin Zuele fir d'Joer 2014 bis 2019 geliiwert. Des Weideren krut ech d'Informatioun, dass d'Regierungsmembere prinzipiell mat Plug-In-Autoe fueren. Déi hunn – laut der virëscher NEFZ-Norm – ee méi niddrege Verbrauch an CO2-Ausstouss.

D'Ekonomie vun de Plug-In-Hybriden variéiert allerdéngs staark, jee no Fahrstil an Verkéierssituatioun. Duerch déi nei europäesch Ausstoussnorm WLTP ginn d'Verbrauchs- an d'Emissiounswärter allerdéngs staark relativiséiert. Den theoretischen CO2-Ausstouss vu Plug-In-Autoen geet duerch de WLTP-Berechnungsmodell staark an d'Luucht.

An deem Zesummenhang wéilt ech de Ministeren dës Froe stellen:

1. Wéi vill Elektroautoen a wéi vill Autoe mat Verbrennungsmotor goufen 2019 fir de Fierpark **vum öffentlechen Déngscht** kaf?
2. Wéi héich waren d'Ausgabe fir de Fierpark vun den eenzele Ministère **vum öffentlechen Déngscht** am Joer 2019?
3. Bei den Autoe **vun de Regierungsmembere** handelt et prioritär ëm Hybrid a Plug-In Hybrid-Autoen, wéi d'Ministere mir an der viereger Fro äntweren.
 1. Wéi vill Plug-in-Limousinne sinn am Fierpark fir d'Regierungsmembere?
 2. Wéi vill Diesel- oder Bensinsautoe sinn am Fierpark fir d'Regierungsmembere?
 3. Wéi vill Diesel- oder Bensinsautoe mat engem Mild-Hybrid sinn am Fierpark fir d'Regierungsmembere?
 4. Wéi vill réng Elektroautoe sinn am Fierpark fir d'Regierungsmembere?
 5. Wéi vill PS huet de Fierpark vun der Regierung am Duerchschnëtt?
4. 2018 louch d'Moyenne vun CO2-Ausstouss vum Fierpark vun de Regierungsmembere bei 119,35g CO2/km.
Fir d'Joer 2020 an 2019, opgelëscht no der NEFZ- an der WLTP-Ausstoussnorm,
 - wéi vill Emissioun CO2 stéisst de Fierpark vun de Regierungsmembere aus?
 - wéi vill Liter/100km verbraucht de Fierpark am Duerchschnëtt?
5. Fir wéi ee Joer ass geplangt de Fierpark vun der Regierung emissionsfräi ze kréien?
6. Ass geplangt, dass d'Autoen, déi fir den Empfang vun auslännesche Gästchen benotzt



www.piraten.lu

ginn, an noer Zukunft duerch Elektroautoen ersetzen? Falls nee, firwat net?



Sensibilité politique
Boîte postale 83
L-7201 Bereldange

Mat déiwem Respekt,



GOERGEN Marc
Député



www.piraten.lu